

ya emuh soongummundummooweneng emuh sahgeedeweneng cheduhzheshahzhebege datahdeyag chewekoojegunnahwandummag ewh oo-pazhekoowen owh oojechaug emuh pezaunbemahezewene-ketuhkoobezooweneng. *Eph. iv. 1-3.*

*Kaezhekechetwahwanduhmungwahpun Makuhilaya kuhnyag.*

10. Tuhgah enenewug nenguhennuggemegoonahneg debeshkoo oo-dooshkenegemun owh Christ kuhya ganuhwandungeg enewh mahmaundahkekanjegawenun owh Kesha Muhnedoo. 1 *Cor. iv. 1.*

11. Nenuhwend nendawemen anoonahjen owh Christ, debeshkoo owh Kesha Muhnedoo kahnundummenag nendezheahnookemen nenuhwend, kenundummegoom debeshkoo goo Christ azhehegajen cheweejekewandundahmoönag owh Kesha Muhnedoo. 2 *Cor. v. 20.*

12. Aungwahmenedezoon kuhya ewh kekuhgequawen, menjemandun oo-oo muh azhehegayun kegubhemahjeëdez kuhya egewh bazendookeg *kegubhemahjeaug.* 1 *Tim. iv. 16.*

13. Kedundahwanemegoom, wawekahnesemegooyag, chekekanemagwah egewh anookejeg emuh ayahyag kuhya egewh nahgahnezemenagoog emuh Tabanengang kuhya kakekemenagoog cheoonjekechetwahwanemagwah emuh sahgeedeweneng, e-ewh anandahgwuddeneg oodahnooke-wenewaun. 1 *Thess. v. 12, 13.*

14. Bahbahmeetahwek egewh tabahkoonenagoog kuhya puggedenedezook, oogunnahwanemahwaun muh kejechaug-ooawaun debeshkoo goo egewh kawahweendahmahgajeg cheoonjewahweendahmahgawaud emuh moojegezeweneng kahween emuh nuhnenuhwedaäweneng. *Heb. xiii. 17.*

15. Kahween kegahahnezheetunseem chemahwunjeëdeyag. *Heb. x. 25.*

16. Nengemenooandum uhpe azheewauid tuhgah ahwepeenedagadah emuh oowegewahmeng owh Jehovah. *Psaln cxxii. 1.*

17. Debe mahwunjeedewahgwan neezh gamah neswe emuh nendezhenekahzooweneng, mesuh nesuhwuhyeë ayahwauid anduhnezeyaun. *St. Matthew, xviii. 20.*